


德安陸郡縣志



序

郡邑之有誌猶列門  
之有史也誌其山川  
人物賢奸淑慝亦猶

德安女陸却縣志序

紀時書地善善惡惡  
勸懲之道也維桑與  
梓必恭敬止君子  
故國登高遠望念父



母之墟愴焉傷懷雖  
魂夢猶將戀之情  
鄉國無賢愚一也  
有  
深情於其鄉則必思

去薄歸厚化其不善  
以從於善夫去薄歸  
厚化其不善以從  
善此司風教之任長

吏之責也長吏之事  
君子耻近之謂其  
跡而召毀然有可  
興善黜惡又不忍  
於

長吏之所不逮則惟  
修誌之舉必珥筆受  
事益其事近於摩世  
厲俗而其文類乎大

書特書勸懲之道存  
焉耳雖照世有博如  
屈宋之才而又凜然  
南董之筆則兼之爲

難故不難於誌而難  
於其人以今觀時  
沈先生之修郡誌蓋  
真其人歟先生之書

原本山川極命草木  
事無隱而不彰善雖  
微而必錄蓋先生以  
英雄才子之心約歸

於聖賢忠恕之旨故  
其成書有勇智而其  
範俗有機畧書成而  
人讀之也快快則賢

者悅而不肖者奮邛  
之父老子第殷勤勸  
勉母爲沈先生所筆  
舌如母爲太丘彥方

所知則皆先生情深  
之效也余不敏抱關  
邛疆八年不調不敢  
東方之慢世庶幾漆

園之夢標邛人既安  
拙者而拙者復與邛  
人相安又幸先生援  
賸索隱發微闡幽深

裨乎風教所未備異  
日杖藜於父母之里  
柴車既倦倚盼庭柯  
慨念遑事手德誌一

編邗子山川人物歷  
歷在目讀先生之書  
樂於居千石之官也  
康熙丙午秋杪江寧

德安陸郡縣志序

高翺題於府署思補  
堂



序

安陸漢縣也名相沿最古  
然始借未有志以江在郡城  
故其川原人物恒麗郡志

安陸郡縣志序

以傳兵火以速郡志放失  
而邑之文獻闕如矣郡伯  
高公毅然欲修舉之會

臺司諸憲留心邦教查修

誌曰屬其事於邑令高君  
敦禮茶菴沈先生而載筆  
焉茶菴龍象人物蝌蚪文  
章垂意維棄慷慨受託詳

探博討遙輯旁糾不數月  
而脫稿高君訂訛補逸刪  
繁增畧徵材鳩梓殫精胼  
手不數月而成書題曰德

安安陸郡縣志以予忝貳  
邦政例得與聞而屬序其  
首簡予受而讀之作而曰  
媿哉志乎民風吏事觀往

祭來燦然脩矣而作者於  
此顧有數難夫郡志恒畧  
邑志恒詳安陸之為邑麗  
於郡者也邑麗於郡則郡

之事麗於邑矣於是志邑  
者太詳則有侵官軼局之  
嫌太畧則有舉鶡遺鵬之  
謂其難一刪潤者易就而

開先者難工言創之不如  
因也乃以今日為古始自  
我作無所憲章鑛燧不藉  
夙煙檀弓專言物始其難

二晉書授簡各有專官資  
治成編弭歷年載茲乃經  
始告竣曾不踰時討論修  
飾總歸一手其難三鼎革

之際文物蕩然至有子孫  
而昧高曾者而欲求掌故  
之較若列眉誰可得耶夏  
殷卞諸杞宋禮樂委於榛

莽故老遺人之默記事越  
隱桓魯宮汲冢之殘篇文  
同亥豕其難四以觀於今  
志一何彬彬也殫心綜覈

德安安陸郡縣志序

銳意蒐錄因革損益有關  
於民瘼者一必書孝義忠貞  
有裨於名教者必錄凡人  
材之盛衰習俗之淳駁山

川之險易幽巖風氣之燥  
濕剛柔戶口之衛賦後兵  
刑之消長堅瑕繁簡得失  
莫不考列精審裁制弘通

德安安陸郡縣志

序

網舉日張星分川布微遠  
古則委曲如存語迄今則  
鬚眉可鑑讀者疑為踵舊  
增華而不知其疑也疑為

分曹開局而不知其專也  
疑為積月累歲而不知其  
作於一時也疑括四庫以  
供網羅獵稗官以資參會

而不知其謀諸劫灰之後  
取之腹笥而或於野獲也  
貫串郡故囊括列城使人  
歎其本末兼該頭訖備舉